

## Adolygu sesiynau hyfforddi chwaraeon

---

### Trosolwg

Mae'r safon hon yn ymwneud â chi yn adolygu sesiynau hyfforddi chwaraeon.

Rhaid i hyfforddwyr ystyried hefyd y canllawiau a roddir gan y Cyrff Llywodraethu Chwaraeon a'u profiad blaenorol personol wrth adolygu sesiynau hyfforddi chwaraeon.

Mae'r safon hon ar gyfer hyfforddwyr sy'n adolygu sesiynau hyfforddi.

Prif ddeilliant y safon hon yw:

1. adolygu sesiynau hyfforddi chwaraeon

## Adolygu sesiynau hyfforddi chwaraeon

---

### Meini prawf perfformiad

#### Rhaid i chi allu:

**\*\*Adolygu sesiynau hyfforddi chwaraeon**

**\*\***

1. cynnal adolygiad pan geir cyfleoedd amserol
2. casglu **tystiolaeth** i ategu adolygu'r sesiynau hyfforddi chwaraeon
3. adnabod sut i wella cynllunio a chyflwyno sesiynau hyfforddi chwaraeon yn y dyfodol ar gyfer y **cyfranogwyr** a chi eich hun
4. trafod a chytuno ar eich adolygiad gyda'r **cyfranogwyr** ac **eraill**
5. cofnodi eich adolygiad
6. addasu sesiynau yn y dyfodol i fodloni canlyniadau eich adolygiad

## Adolygu sesiynau hyfforddi chwaraeon

---

### Gwybodaeth a dealltwriaeth

#### Mae angen i chi wybod a deall:

**\*\*Adolygu sesiynau hyfforddi chwaraeon**

**\*\***

1. diben a phwysigrwydd adolygu sesiynau hyfforddi chwaraeon yn barhaus
2. y mathau o wybodaeth y mae angen i hyfforddwr eu casglu er mwyn adolygu sesiynau hyfforddi
3. sut i adnabod ffynonellau adborth dilys gan **eraill** i gynorthwyo eich adolygiad
4. sut i wella cynllunio a chyflwyno sesiynau hyfforddi yn y dyfodol ar gyfer **cyfranogwyr** a chi eich hun
5. pwysigrwydd trafod a chytuno ar ganlyniad yr adolygiad gyda'r **cyfranogwyr** ac **eraill**
6. pwysigrwydd adolygu pob agwedd ar gynllunio a chyflwyno'r sesiynau hyfforddi
7. pwysigrwydd mesur pa mor effeithiol y bu gweithgareddau unigol
8. sut i ddefnyddio prosesau hunan-fyfyrion i sicrhau safon ac adnabod unrhyw gamau datblygu all fod eu hangen
9. ffactorau sy'n effeithio ar y gallu i adnabod eich anghenion datblygu chi eich hun
10. y mathau o weithgareddau datblygu sydd ar gael i hyfforddwyr a sut i gael mynediad i'r rhain
11. sut i gwblhau cynllun datblygu a phwysigrwydd cofnodi canlyniadau eich adolygiad er gwybodaeth yn y dyfodol
12. sut i ddefnyddio gwybodaeth a godwyd o'r adolygiad i wella sesiynau yn y dyfodol
13. pryd a sut y byddech chi'n addasu sesiynau yn y dyfodol i fodloni canlyniadau eich adolygiad
14. sut i fesur safon y profiad hyfforddi a datblygiad y **cyfranogwyr**

## Cwmpas/Ystod cysylltiedig â meini prawf perfformiad

### 1. Tystiolaeth

\*  
\*

1.1 holiaduron

1.2 arsylwadau

1.3 dadansoddi perfformiad

1.4 ystadegau

1.5 profion ffisiolegol

1.6 profion seicolegol

### 2. Cyfranogwyr

\* \*

2.1 unigolion

2.2 grwpiau

2.3 cyfranogwyr sydd ag anghenion penodol

\* \*

### 3. Eraill

\* \*

3.1 gwylwyr

3.2 hyfforddwyr eraill

3.3 maethegwyr

3.4 rhieni neu warcheidwaid

## Adolygu sesiynau hyfforddi chwaraeon

---

3.5 ffisiotherapyddion

3.6 defnyddwyr y cyfleuster

3.7 mentoriaid

3.8 gwirfoddolwyr

3.9 gweinyddwyr chwaraeon

3.10 ffisiolegwyr

3.11 biofecanyddion

3.12 hyfforddwyr cryfder a chyflyru

3.13 hyfforddwyr ffordd o fyw

## Gwerthoedd

Mae'r gwerthoedd allweddol \*\*canlynol yn tanategu'r broses hyfforddi a byddant o gymorth i hyfforddi chwaraeon er mwyn sicrhau ei fod yn cael yr effaith a fwriedir ar y cyfranogwyr.

Dylai hyfforddwyr:

1. ddilyn a sefydlu eich athroniaethau a'ch gwerthoedd hyfforddi chi ar gyfer chwaraeon drwy gydol y broses hyfforddi
2. annog a galluogi'r cyfranogwyr i wneud dewisiadau a phenderfyniadau effeithiol ar gyfer gofynion technegol a thactegol y gamp
3. sicrhau bod egwyddorion caffael sgîl yn cael eu cynnwys yn y sesiwn a neu'r rhaglen
4. cefnogi, cydlynu a rheoli'r broses hyfforddi yn effeithiol, gan gadw'r cyfranogwr ynghanol y broses
5. canfod ac adnabod anghenion y cyfranogwr ar ddechrau'r broses a dylai hyfforddwyr anelu at fynd i'r afael â'r rheiny drwy gyfrwng eu hyfforddiant. Mae hyn yn arbennig o berthnasol yn achos cyfranogwr sydd ag anabledd
6. anelu at alluogi'r cyfranogwyr, gan gefnogi eu hawl i wneud dewisiadau, darganfod eu hatebion eu hunain, a'u galluogi i gymryd rhan a datblygu ar eu cyflymder eu hunain ac yn eu ffordd eu hunain oddi mewn i gyfyngiadau'r amgylchedd
7. cynnig cyfleoedd, a hynny mewn amgylchedd sy'n ysgogi, yn rheoli risg, ac yn meithrin her, mwynhad ac, uwchlaw popeth, llwyddiant
8. amcanu at gynyddu hyder a hunan-barch y cyfranogwr
9. cynnal a chadw cyfrinachedd
10. sicrhau gwahaniaethiad a chynhwysiant fydd yn galluogi cyfranogwyr sydd ag anghenion penodol ac sy'n amrywio o ran gallu i gymryd rhan mewn sesiynau a neu raglenni. Dylid ystyried anghenion cyfranogwyr sydd ag anableddau a dylid cyfarfod â'u hanghenion.
11. bod yn ymwybodol o gyfrifoldebau ac atebolrwydd eu sefydliad dan ddeddfwriaeth a chodau ymarfer cydraddoldeb, amrywiaeth a chynhwysiant
12. bod yn ymwybodol o swyddogaethau personél cynnal e.e.

## Adolygu sesiynau hyfforddi chwaraeon

swyddogaethau maethegydd, seicolegydd, meddyg, ffisiotherapydd, ffisiolegydd a defnyddio strwythurau chwaraeon-benodol i ganfod cefnogaeth, gan gynnwys adnabod pryd i gyfeirio problemau at sylw arbenigwyr

13. derbyn a pharchu swyddogaeth swyddogion wrth iddyn nhw sicrhau bod y dull o gynnal cystadlaethau yn deg ac yn unol â'r rheolau
14. myfyrio ar eu harferion eu hunain a cheisio bob amser i wella eu gallu hyfforddi
15. annog pobl i beidio defnyddio cyffuriau gwella perfformiad, ac unrhyw sylwedd anghyfreithlon
16. parhau i gynnal a chadw iechyd, diogelwch a lles y cyfranogwyr, a hynny drwy gydol y broses hyfforddi

## Ymddygiadau

Mae'r ymddygiadau canlynol yn tanategu'r broses hyfforddi. Mae'r ymddygiadau hyn yn sicrhau bod hyfforddi chwaraeon yn digwydd mewn amgylchedd cadarnhaol a chynhwysol.

Dylai hyfforddwyr:

1. annog ymddygiad positif a hynny mewn ffordd deg, cyson, cymeradwy ac effeithiol
2. rheoli ymddygiad unigolyn a grŵp; dylid herio a rheoli problemau risg ac ymddygiad gyda golwg ar y côd ymarfer perthnasol
3. gosod rheolau sylfaenol ar gyfer ymddygiad ar waith yn ystod y sesiwn hyfforddi a neu'r rhaglen
4. gweithredu fel patrwm ymddwyn drwy gynnal a chadw'r safonau ymddygiad personol uchaf posib a chyflwyno argraff ffafriol o chwaraeon
5. defnyddio technegau cyfathrebu priodol ac ymatebion addas wrth ymdrin â gwrthdaro lle bynnag y gall hwnnw ddigwydd; e.e. ennill cydweithrediad, osgoi adweithiau stereoteip, hunanreolaeth a delio'n effeithiol â negyddoldeb
6. annog a gwobrwyo ymddygiad positif
7. adnabod mathau o ymddygiad gan gyfranogwyr ac eraill all beri gofid emosiynol a gwybod sut i ymateb

## Adolygu sesiynau hyfforddi chwaraeon

8. adnabod ymddygiad gwahaniaethol oddi mewn i'r grŵp neu gan eraill sy'n ymwneud â'r rhaglen a gwybod beth yw'r gweithdrefnau y dylid eu dilyn os digwydd unrhyw helynt
9. bod yn ymwybodol o'r grym y bydd hyfforddwr yn ei ddatblygu gyda chyfranogwyr yn y berthynas hyfforddi ac osgoi unrhyw gyfeillach

## Sgiliau

Mae'r **Sgiliau** canlynol yn tanategu'r broses hyfforddi. Mae'r sgiliau hyn yn sicrhau bod rhaglen hyfforddi chwaraeon yn cael yr effaith y bwriadwyd iddi ei chael ar y cyfranogwyr ac ar eraill.

Dylai hyfforddwyr:

1. gynnig ysbrydoliaeth
2. cyfathrebu'n glir ac yn fanwl gywir
3. tanio a chynnal brwdfrydedd
4. annog cymhelliad
5. sicrhau cynhwysiant a chydaddoldeb
6. hybu gwneud penderfyniadau

## Geirfa

### Gweithgareddau

**\*\*Elfennau o sesiwn hyfforddi chwaraeon all fod yn canolbwyntio ar sut y byddwch chi'n datblygu:** nerth, dyfalbarhad, technegau neu ymwybyddiaeth dactegol neu strategaethau'r cyfranogwr ar gyfer datrys problemau. Mae sesiynau hyfforddi chwaraeon yn cynnwys un neu fwy o weithgareddau.

### Dull hyfforddi

**\*\*Sut y byddwch chi, fel yr hyfforddwr, yn cyflwyno sesiwn hyfforddi chwaraeon.** Mae'n bosib y byddwch yn defnyddio un neu fwy o'r dulliau canlynol wrth gyflwyno sesiwn hyfforddi chwaraeon: cyfan, rhan, cyfan; llunio; modelu; gorchymyn ac ymateb; cwestiwn ac ateb, cyfarwyddyd drwy dasgau gosod penodol; gemau hybu dealltwriaeth; Dweud, gwerthu, rhannu a chaniatáu.

### Steil hyfforddi

**\*\*Y ffordd rydych chi'n meithrin perthynas â'r cyfranogwyr yn ystod sesiwn hyfforddi chwaraeon;** gall hyn gynnwys defnyddio amrywiaeth o ddulliau. Er enghraifft: rhoi cyfarwyddyd i'r cyfranogwyr ynghylch beth i'w wneud, neu eu cefnogi er mwyn iddyn nhw ddatrys problemau drostynt eu hunain.

### Côd Ymarfer

Yn ychwanegol at y Gwerthoedd Allweddol ar gyfer Hyfforddi sydd wedi eu cynnwys yn



## Adolygu sesiynau hyfforddi chwaraeon

y safon hon, mae'n bosib bod canllawiau penodol i hyfforddwyr, swyddogion a chyfranogwyr ar gael gan chwaraeon neu weithgareddau unigol, drwy'r Corff Llywodraethu Chwaraeon.

### Cyfathrebu drwy ysgrifennu

Gall hyn gynnwys nodiadau neu negeseuon byrion neu roi taflen wybodaeth i gyfranogwr neu gyfranogwyr neu anfon e-bost atyn nhw.

\*

\*

### Person neu asiantaeth gymwys

Gall fod yn hyfforddwr, yn arolygydd neu'n sefydliad arall mwy cymwys.

### Cydweithwyr

Y bobl rydych chi'n gweithio gyda nhw – pobl sy'n gweithio ar yr un lefel â chi neu eich arolygydd.

### Gwybodaeth gyfrinachol

\*\*Dilyn canllawiau cydnabyddedig ar gyfer polisïau a gweithdrefnau.

\*\*

Oeri\*\*

Gweithgareddau diogel sy'n galluogi'r cyfranogwyr i ddod atyn nhw eu hunain yn feddylol ac yn gorfforol ar ôl gweithgareddau y buon nhw'n eu gwneud mewn sesiwn hyfforddi chwaraeon.

### Cyfranogwyr disgwylidig

Nodweddion eich cyfranogwyr, sef y rhai y gwyddoch eu bod yn cymryd rhan, neu y disgwylir iddyn nhw gymryd rhan, mewn sesiwn hyfforddi chwaraeon neilltuol. Gall manylion am gyfranogwyr disgwylidig gynnwys: nifer y mynychwyr, eu hoedran, rhyw, anabledd, a lefel eu profiad, potensial, uchelgais ac unrhyw gyflyrau meddygol.

\*

\*

### Adborth

\*\*Y broses o roi a derbyn barn ar berfformiad. Gall hyn gynnwys chi eich hun yn rhoi adborth i gyfranogwyr ar eu perfformiad neu gyfraniad i sesiwn hyfforddi chwaraeon; neu hyfforddwr mwy profiadol yn lleisio barn am eich perfformiad wrth gyflwyno sesiwn hyfforddi chwaraeon neilltuol.

\*\*

Cyrchnodau\*

\*\*\*Gall y rhain fod yn rhai hir dymor, tymor canolig neu dymor byr. Bydd cyrchodau sesiwn hyfforddi chwaraeon (unigol neu grŵp) yn canolbwyntio ar yr hyn y bydd cyfranogwyr yn gweithio tuag ato yn ystod y sesiwn.

### Cydberthynas weithio dda

Y math o berthynas â'ch cyfranogwyr a'ch cydweithwyr sy'n helpu'r cyfranogwyr i gyflawni eu nodau a'r tîm hyfforddi i weithio'n dda ac i roi gwasanaeth o safon uchel i'r cyfranogwyr – mae hyn yn cynnwys dod ymlaen yn dda gyda'ch cydweithwyr, bod yn

## Adolygu sesiynau hyfforddi chwaraeon

deg wrthyn nhw, osgoi unrhyw anghytundebau diangen a pheidio gadael i'ch bywyd personol ddylanwadu ar y ffordd rydych chi'n ymagweddu at eraill.

### Perygl

Mae hwn yn rhywbeth peryglus neu'n rhywbeth allai achosi niwed.

\*

\*

### Gofynion iechyd a diogelwch

Y rhai hynny sy'n ofynnol dan y gyfraith, codau ymarfer diwydiant, Cyrff Llywodraethu Chwaraeon (lle mae'r gweithgaredd yn dod dan awdurdod corff Llywodraethu) a gofynion eich sefydliad chi.

### Cyfarwyddiadau

Enghreifftiau posib: Cyfarwyddiadau'r gwneuthurwyr neu gyfarwyddiadau sydd wedi eu llunio gan eich sefydliad chi.

### Dulliau dysgu

\*\*Y dulliau y mae'n well gan unigolion eu defnyddio er mwyn dysgu; dylech lunio eich sesiynau hyfforddi chwaraeon mewn ffordd fydd yn cyd-fynd â'r rhain.

\*\*

Pobl sydd heb fod yn cymryd rhan\*\*

Pobl sy'n mynychu ond heb fod yn cymryd rhan yn y sesiwn hyfforddi chwaraeon, oherwydd rhesymau meddygol, eu lefel gallu, sialensiau'r amgylchedd corfforol neu ddiffyg cyfarpar priodol.

### Eraill

Gallai hyn gynnwys gwylwyr, hyfforddwyr eraill, Maethegydd, Rhieni, Ffisiotherapydd, eraill o'r Cyfleuster, Mentoriaid, Gwirfoddolwyr, Gweinyddwyr Chwaraeon, Ffisiolegydd, Seicolegydd, hyfforddwr Cryfder Biomecaneg a chyflyru, hyfforddwr Ffordd o Fyw, mentor (nid yw hon yn rhestr gyflawn).

### Safonau ymddangosiad ac ymddygiad y sefydliad

Sut y mae eich sefydliad yn eich cynghori i wisgo a chyflwyno'ch hun yn ystod eich gweithgareddau hyfforddi; byddai hyn yn cynnwys gwisgo'r swyddwisg gywir neu ddillad eraill a safonau glanweithdra personol; mae hefyd yn cynnwys sut rydych chi'n ymddwyn pan fydd cyfranogwyr yn bresennol.

### Cyfranogwyr

Pobl, fel unigolion, neu mewn grwpiau, fydd yn cymryd rhan mewn sesiwn hyfforddi chwaraeon. Mae'r rhain yn cynnwys ieuenctid, talent ac oedolion.

### Pobl sydd ag anghenion penodol

Amrywiaeth o bobl y bydd angen addasu eu sesiwn hyfforddi chwaraeon, o bosib, oherwydd anableddau corfforol, dysgu, synhwyraidd neu broblemau meddygol.

### Cynllun datblygu personol

Cofnod o'r meysydd rydych chi'n dymuno eu gwella yn eich ymarfer hyfforddi, y nodau personol yr hoffech eu cyflawni, sut rydych chi'n mynd i wneud hyn ac erbyn pryd.

## Adolygu sesiynau hyfforddi chwaraeon

\*\*

### Cynllun\*

\*\*\*Disgrifiad o sesiwn arbennig yw cynllun sesiwn hyfforddi chwaraeon; bydd amcanion, nodau, cynnwys, gweithgareddau, amseriadau a chyfarpar angenrheidiol y sesiwn wedi eu cynnwys yn y cynllun. Bydd cynlluniau'n cael eu cofnodi fel arfer fel bod modd eu rhannu gydag eraill a chyfeirio atynt yn ddiweddarach.

\*\*

### Ymarfer\*\*

Ailadrodd technegau a sgiliau sy'n cael eu perfformio y tu allan i gyd-destun yr amgylchfyd cystadleuol neu gyfranogiad arferol mewn chwaraeon neu weithgaredd; a gall hyn fod yn sail i sesiwn hyfforddi chwaraeon.

\* \*

\*

### Rhaglen\*

\*\*Mae rhaglen hyfforddi chwaraeon yn gynllun ar gyfer sesiynau hyfforddi neu'n gyfres o gynlluniau, fel arfer er mwyn datblygu cyfranogwyr dros gyfnod penodol o amser.

### Person cyfrifol

Gall fod yn hyfforddwr, rheolwr, arolygydd gweithgaredd mwy cymwys neu brofiadol, y byddech chi'n adrodd wrtho/wrthi.

\* \*

\*

### Adolygu\*

\*\*Y broses lle disgwylir i chi ddadansoddi'r sesiynau a gynlluniwyd ac a gyflwynwyd gennych, gan nodi'r hyn aeth yn dda a pha bethau y gellid fod wedi eu gwella

\* \*

\*

### Rheolau'r gamp neu'r gweithgaredd\*

Bydd y rhain wedi eu diffinio, fel rheolau neu gyfreithiau, gan y Corff Llywodraethu Chwaraeon sy'n gyfrifol am y gamp neu'r gweithgaredd.

\*

### Sesiwn hyfforddi chwaraeon\*

Cyfnod penodol o amser pryd y bydd cyfranogwyr yn cymryd rhan mewn gweithgareddau gyda'r nod o wella'u perfformiad mewn camp neu weithgaredd penodol.

\* \*

\*

### Arolygydd\*

Y person sy'n rheoli'ch gwaith yn uniongyrchol, e.e. hyfforddwr blaen/prif hyfforddwr, arweinydd y gweithgaredd, rheolwr llinell, rheolwr y ganolfan.

\* \*

\*

## Adolygu sesiynau hyfforddi chwaraeon

### *Arddangosiadau technegol gywir\**

Bydd y rhain wedi'u diffinio fel arfer gan lawlyfrau technegol y Corff Llywodraethu Chwaraeon sy'n gyfrifol am y gamp neu'r gweithgaredd.

\*

### *Amseru a dilyniant\**

\*\*Amseriadau a threfn gweithgareddau oddi mewn i sesiwn neu raglen hyfforddi chwaraeon.

\*\*

### *Hyfforddiant\*\**

Gall hyn olygu cwrs, ond gallai hefyd gynnwys edrych ar eraill yn gwneud pethau sy'n newydd i chi, derbyn cyfarwyddiadau gan eraill ar bethau newydd sy'n rhaid i chi eu gwneud a chael cyfleoedd i ymarfer sgiliau newydd.

\* \*

\*

### *Lleoliad\**

\*\*Lle ffisegol neu fan lle mae dŵr lle bwriedir i'ch sesiwn hyfforddi chwaraeon gael ei chynnal. Bydd nodweddion lleoliadau priodol o bosib wedi eu diffinio gan y Corff Llywodraethu Chwaraeon.

\* \*

\*

### *Cynhesu\**

Gweithgareddau diogel sy'n galluogi cyfranogwyr i baratoi'n feddyliol ac yn gorfforol ar gyfer sesiwn hyfforddi chwaraeon.

\*

### *Amgylchfyd gweithio\**

Pobl a'r amgylchfyd corfforol diffiniedig.

\*

### *Eich lefel gallu chi\**

\*\*Y rôl rydych chi'n gymwys i'w chyflawni, ar y cyd gyda'ch profiad yn y rôl honno; sicrhau nad ydych chi'n rhoi hyfforddiant i gyfranogwyr ar weithgareddau sydd heb fod oddi mewn i'ch lefel gallu chi.

\*

### *Lles\**

Cefnogi lles y cyfranogwr gan gynnwys ffordd o fyw sylfaenol, ymwybyddiaeth o ofal maethol a chyffuriau.

## Cysylltiadau â SGC eraill

Mae'r safon hon yn cyplysu â SKASC2 a SKASC3

## Adolygu sesiynau hyfforddi chwaraeon

Datblygwyd gan	SkillsActive
Dyddiad cymeradwyo	30 Ion 2014
Dyddiad Adolygu Dangosol	29 Ebr 2018
Dilysrwydd	Ar hyn o bryd
Statws	Gwreiddiol
Sefydliad cychwynnol	SkillsActive
RCU gwreiddiol	SKASC4
Galwedigaethau perthnasol	Hyfforddi Chwaraeon
Cyfres/Set	Hyfforddi Chwaraeon
Geiriau Allweddol	Arolygu; Hyfforddi Chwaraeon; Sesiwn; Nodau; Person Cyfrifol; Cyfranogwr; Gweithgareddau; Cynllun Datblygu; Addasu